

01-21-u/11-2024



# SABNOR BIH



SAVEZ ANTIFAŠISTA I BORACA NARODNOOSLOBODILAČKOG RATA U BOSNI I HERCEGOVINI  
FEDERATION OF ANTIFASCISTS AND NATIONAL LIBERATION WAR VETERANS OF BOSNIA AND HERZEGOVINA  
FEDERATION DES ANTIFASCISTES ET ANCIENS COMBATTANTS DE LA GUERRE DE LIBERATION NATIONALE EN BOSNIE-HERZEGOVINE

71000 SARAJEVO, ALIPAŠINA 12  
TEL: +387 33 225 861 e-mail: sabnor.bih@bih.net.ba

ID BROJ: 4201034260001

ŽIRO RAČUN: 1011010000524709  
PRIVREDNA BANKA SARAJEVO

**Broj: 02 – 126/24**

**Datum: 25.10 2024.godine**

**MREŽA ZA IZGRADNJU MIRA**

**SARAJEVO**

**Poštovani,**

Osjećajući zabrinutost stanjem u kojem se nalazi bosansko-hercegovačko društvo, a istovremeno osjećajući odgovornost i spremnost za hitno djelovanje kako bi se stvari počele mijenjati na bolje, obraćamo vam se sa apelom za okupljanje svih nas koji smo nezadovoljni stanjem našeg društva i iznalaženje zajedničkih modaliteta kojima možemo našom snagom uticati na promjene društvenih procesa.

Svjesni smo stalne fašizacije našeg društva, što rezultira djelovanjima kojima se poriču tekovine i vrijednosti antifašizma koja su suprotna temeljima ujedinjene Evrope i ustavnim temeljima Bosne i Hercegovine. Unatoč tome takva se djelovanja kod nas toleriraju, a nerijetko javno zagovaraju i institucionalno podržavaju. Nedopustivo je da 80 godina nakon ZAVNOBIH-a, dočekujemo i živimo dane sa prijetnjom miru u uzurpiranoj zemlji. Tako se urušavaju svi stubovi demokratije, građanima i građankama, ugušene su osnovne slobode, svakodnevno se krše zakoni i vladavina prava, svjedoci smo sprege visoke politike i kriminala; bogaćenja pojedinaca koji su u stanju izazvati nove sukobe kako bi sebe zadržali na vlasti. Naša zemlja je izmučena i opljačkana, ljudi su bez nade. Sve ovo prati ekocid i urbicid, sistemski se podržavaju moćni i bogati pojedinci zarad zgrtanja profita vladajuće elite, a sve preko pleća ponekog preostalog radnika i seljaka koji se nije odselio u potrazi za boljim životom na Zapad.

Kako reagovati u ovim političkim i ekonomskim okolnostima?



# SABNOR BIH



SAVEZ ANTIFAŠISTA I BORACA NARODNOOSLOBODILAČKOG RATA U BOSNI I HERCEGOVINI  
FEDERATION OF ANTIFASCISTS AND NATIONAL LIBERATION WAR VETERANS OF BOSNIA AND HERZEGOVINA  
FEDERATION DES ANTIFASCISTES ET ANCIENS COMBATTANTS DE LA GUERRE DE LIBERATION NATIONALE EN BOSNIE-HERZEGOVINE

71000 SARAJEVO, ALIPAŠINA 12  
TEL: +387 33 225 861 e- mail: sabnor.bih@bih.net.ba

ID BROJ: 4201034260001

ŽIRO RAČUN: 1011010000524709  
PRIVREDNA BANKA SARAJEVO

Jesmo li u stanju očuvati slobode koje su bile krvavo osvajane u našoj zajedničkoj historiji. Danas se postavlja pitanje: koja je zajednička crvena linija preko koje nećemo preći? To je pitanje koje treba da postavimo kao društvo, ali i svaki pojedinac sebi u svom ličnom mikrokosmosu. Oslobođanje Bosne i Hercegovine i svih njenih gradova jeste konstantan proces – samo gradovi u kojima žive stalno aktivni građani/antifašisti mogu biti stvarno slobodni. Datumi poput 25. novembra, dana državnosti i našeg jedinstva, važni su jer imaju snažan simbolički naboj i opominju nas da preispitamo svoje pozicije u sadašnjosti. Antifašizam je civilizacijska vrijednost koja stoji iznad svih ideoloških i političkih opredjeljenja. To je moralni stav, po kojem je fašizam zločinačka tvorevina sa kojom nema kompromisa i poslednji je trenutak da se sve antifašističke i demokratske snage u zemlji ujedine i kažu odlučno i generacijsko “ne” fašizmu koji opet dolazi na naše kućne adrese kao '41 i '92 prošlog stoljeća. Gotovo svaki dan suočavamo se s pokušajima historijskog revizionizma, u vrijeme kada fake news, natpisi na društvenim mrežama i teorije zavjere imaju više utjecaja na javni diskurs od činjenica sadržanih u naučnim i historijskim knjigama. Protiv takvih laži možemo se boriti samo insistirajući na istini i to kroz obrazovanje i odgoj, kako u školi tako i u porodici u javnom prostoru. Upravo zato ne smijemo zaboraviti pouke naučene u Drugom svjetskom ratu i u odbrambeno-oslobodilačkom ratu iz 90-ih. Moramo stvarati tolerantno i uključivo društvo lišeno ekstremizama, nacionalizama, mržnje i netolerancije. Društvo koje će biti na ponos svima koji su se žrtvovali za te vrijednosti. Društvo koje će se uvijek naći na ispravnoj strani historije. Društvo antifašizma za 21. vijek.

SABNOR BIH u ime starih i mladih antifašista i boraca za slobodu, svih generacija čestitih Bosanaca i Hercegovaca poziva vas na zajedničko djelovanje na izgradnji antifašističkog bh društva 21. stoljeća.

SABNOR BiH vas poziva na okupljanje svih u svenarodni antifašistički front inspirisan našim antifašističkim naslijeđem ali zagledan u budućnost i spreman na akciju danas.



# SABNOR BIH



SAVEZ ANTIFAŠISTA I BORACA NARODNOOSLOBODILAČKOG RATA U BOSNI I HERCEGOVINI  
FEDERATION OF ANTIFASCISTS AND NATIONAL LIBERATION WAR VETERANS OF BOSNIA AND HERZEGOVINA  
FEDERATION DES ANTIFASCISTES ET ANCIENS COMBATTANTS DE LA GUERRE DE LIBERATION NATIONALE EN BOSNIE-HERZEGOVINE

71000 SARAJEVO, ALIPAŠINA 12  
TEL: +387 33 225 861 e- mail: sabnor.bih@bih.net.ba

ID BROJ: 4201034260001

ŽIRO RAČUN: 1011010000524709  
PRIVREDNA BANKA SARAJEVO

O modalitetima i konkretnim aktivnostima djelovanja dogovaraćemo se. Ako mislite da ova ideja ima smisla i da se poklapa sa vašim programskim sadržajima, očekujemo da nam se javite kako bi odmah krenuli u akciju.

Mi vjerujemo da nemamo pravo na šutnju.

Mi vjerujemo da nemamo pravo na nedjelovanje.

—Mi vjerujemo da su razlike među nama toliko male da su beznačajne u odnosu na ono što nam je zajedničko.

Mi vjerujemo da je naša snaga mnogo veća od snage razbijača naše domovine, samo je moramo pokazati.

Zato, ne čekajmo, okupimo se, dogovorimo i u akciju.

To je naša historijska obaveza.

Očekujemo vašu reakciju na naš poziv.

Smrt fašizmu...!



**Predsjednik SABNOR-a u BiH**

**Đulić Sead**